

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
Općina Novi Grad Sarajevo
Općinski načelnik

Broj: 02/12-19-21931/21
Sarajevo, 14.01.2022. godine

Na osnovu člana 64. stav (1) tačka b) i člana 70. stav (1), (3) i (6) Zakona o javnim nabavkama („Službeni glasnik BiH“, br. 39/14) i člana 14. Pravilnika o nabavci roba, vršenju usluga i ustupanju radova broj: 09-05-26263/15 od 27.11.2015. godine i Pravilnika o izmjenama i dopunama Pravilnika o nabavci roba, vršenju usluga i ustupanju radova broj 02/12-05-10708/18 od 16.5.2018. godine i broj 02/12-45-8834/20 od 02.07.2020. godine, a na preporuku Komisije za javnu nabavku radova, Općinski načelnik donosi:

ODLUKU

o izboru najpovoljnijeg ponuđača u predmetu – Rekonstrukcija i izgradnja vodovodne mreže profila DN 100 u ulici Briješće brdo

I

Prihvata se preporuka Komisije za javnu nabavku radova i ugovor u predmetu – „Rekonstrukcija i izgradnja vodovodne mreže profila DN 100 u ulici Briješće brdo“, broj obavještenja obavještenja 422-1-3-212-3-190/21, objavljeno na Portalu javnih nabavki dana 09.11.2021.godine i u “Službenom glasniku BiH”– Oglasnik javne nabavke broj 72/21 od 26.11.2021. godine, Ispravka za obavještenje o nabavci broj 422-1-3-212-8-213/21 objavljeno dana 20.12.2021.godine, 422-1-3-212-8-215/21 objavljeno dana 22.12.2021.godine i u “Službenom glasniku BiH”– Oglasnik javne nabavke broj 78/21 od 24.12.2021.godine, dodjeljuje se ponuđaču „Bujice“ d.o.o. Konjic sa ponudnom cijenom za ugovor u iznosu od 137.800,00 KM bez PDV-a, odnosno 161.226,00 KM sa PDV-om.

II

Zadužuje se Služba za zajedničke poslove da ovu Odluku objavi na web stranici Općine www.novigradsarajevo.ba, istovremeno sa upućivanjem iste ponuđačima koji su učestvovali u postupku javne nabavke, u skladu sa članom 70. stav (6) Zakona o javnim nabavkama, te da nakon isteka žalbenog roka pripremi ugovor i dostavi Općinskom načelniku na potpis.

III

Obavezuje se ponuđač iz člana I ove Odluke da u roku od 5 (pet) dana od dana zaprimanja iste, dostavi dokumentaciju traženu tačkom 3.1.3. koja se odnose na član 45. stav (2) tačka od a) do d) Zakona i dokumentaciju traženu u tački 3.3.2. tenderske dokumentacije koja se odnosi na ekonomsku i finansijsku sposobnost. Dokazi koje će dostaviti odabrani ponuđač moraju biti originali ili ovjerene kopije i ne mogu biti stariji od 3 mjeseca, računajući od dana utvrđenog kao krajni rok za predaju ponuda.

Obrazloženje

Odlukom broj 02/12-19-21931/21 od 16.11.2021. godine Općina Novi Grad Sarajevo pokrenula je otvoreni postupak javne nabavke „Rekonstrukcija i izgradnja vodovodne mreže profila DN 100 u ulici Briješće brdo“, broj obavještenja obavještenja 422-1-3-212-3-190/21, objavljeno na Portalu javnih nabavki dana 09.11.2021.godine i u “Službenom glasniku BiH”– Oglasnik javne nabavke broj 72/21 od 26.11.2021. godine, Ispravka za obavještenje o nabavci broj 422-1-3-212-8-213/21 objavljeno dana 20.12.2021.godine, 422-1-3-212-8-215/21 objavljeno dana 22.12.2021.godine i u “Službenom glasniku BiH”– Oglasnik javne nabavke broj 78/21 od 24.12.2021.godine.

Zapisnikom o otvaranju ponuda od 29.12.2021. godine Komisija je konstatovala da su u predviđenom roku, u propisno upakovanim kovertama, pristigle četiri (4) ponude ponuđača:

1. „Bujice“ d.o.o. Konjic
2. “Mibral” d.o.o. Sarajevo
3. “ grupa ponuđača „Ted invest“ d.o.o. Sarajevo i „Borhtechnik“ d.o.o. Brčko
4. „Manjo“ d.o.o. Sarajevo

Zapisnik sa otvaranja ponuda dostavljen je ponuđačima na fax u zakonom predviđenom roku.

Nakon što je Komisija utvrdila da su pristigle četiri ponude, pristupila je analizi i procjeni dokumentacije kojom ponuđači trebaju dokazati svoju kvalifikovanost za učešće u ovom postupku.

Komisija je utvrdila da grupa ponuđača "Ted invest" d.o.o. Sarajevo i "Borhtechnik" d.o.o. Brčko ne ispunjava kvalifikacioni uslov tražen u tenderskoj dokumentaciji iz tačke 3.4.1. (1) tehnička i profesionalna sposobnost – da je ponuđač u protekle tri kalendarske godine kao izvođač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 190.000,00 KM sa PDV-om, a tačkom 3.4.2. (a) propisano je da se navedeno dokazuje listom izvršenih ugovora ponuđača koji su u vezi sa predmetom nabavke a koji su realizovani u posljednje tri godine sa vrijednostima, datumima i naručiocima radova kao dokaz da je dobavljač uspješno izvršio najmanje jedan ugovor koji za predmet ugovora ima radove koji su u vezi sa predmetom nabavke vrijednosti najmanje 190.000,00 KM sa PDV-om. Uz spisak izvršenih ugovora ponuđač je dužan dostaviti potvrdu za ugovor koji za predmet ugovora ima radove koji su u vezi sa predmetom nabavke vrijednosti najmanje 190.000,00 sa PDV-om, koju je izdala ugovorna strana – naručilac radova. Ponuđač je kao dokaz tehničke i profesionalne sposobnosti priložio potvrde o uspješno realizovanim ugovorima i to:

- potvrdu koju je izdala Općina Ilidža broj 04-14-4534/19 od 22.10.2019.godine, koja se odnosi na zamjenu azbestnih vodovodnih cijevi u ulici Munira Gavrankapetanovića, potvrdu koju je izdala Općina Stari Grad Sarajevo broj 13/1-23-2643/19 od 14.01.2020.godine a koja se odnosi na Rekonstrukciju vodovodne mreže na dijelu ulice Ispod Budakovića – Općina Stari Grad. Komisija nije mogla cijeniti kao prihvatljive predmetne potvrde jer je vrijednost radova koja se navodi na potvrdama niža od vrijednosti tražene tenderskom dokumentacijom;

- potvrdu „Bujice“ d.o.o. Konjic broj 01-397/1-19 od 11.09.2019.godine za rekonstrukciju vodovodne sekundarne mreže u gradu Goražde, te potvrda koju je izdao Orman d.o.o. Kiseljak od 30.07.2019.godine o uspješno izvedenim radovima na razvoju infrastrukture u Općini Goražde i za Izvođenje radova na rekonstrukciji distributivno-dovodnog cjevovoda DN 300 mm na potezima Butile-Rajlovac – ulica Franje Kluza i na izgradnji dovodnog cjevovoda DN 200 mm do pumpne stanice Briješće. Komisija je konstatovala da izdavalac predmetnih potvrda nije i naručilac radova nego su izdate od strane angažovanog izvođača radova. Shodno tome a u skladu sa članom 73. Zakona o javnim nabavkama naručilac radova je morao biti obaviješten o angažovanju podizvođača, te je u skladu s tim jedini ovlašten da izda potvrdu o uredno izvršenim radovima. Obzirom na naprijed navedeno Komisija nije mogla cijeniti kao uredne predmetne potvrde.

Nadalje Komisija je utvrdila da grupa ponuđača "Ted invest" d.o.o. Sarajevo i "Borhtechnik" d.o.o. Brčko ne ispunjava kvalifikacioni uslov tražen u tenderskoj dokumentaciji iz tačke 3.4.1. (3) tehnička i profesionalna sposobnost – da je ponuđač opremljen neophodnom opremom za obavljanje predmetnih radova: kamion (kipper) do max 8t, mašina za iskop (bager) do max 8t, mašina za iskop (bager) od 15-20t, vibro ploča od 250kg do 450kg, vibracioni valjak od 2-6t, oprema: alat za montažu vodovodnih cijevi i tlačno ispitivanje. Tačkom 3.4.2. (5) propisano je da se navedeno dokazuje na sljedeći način: kao dokaz o obezbijeđenosti opreme dostavlja se izvod iz knjige osnovnih sredstava ili ugovor o iznajmljivanju opreme, za kamion se dostavlja važeća saobraćajna dozvola, za radne mašine saobraćajnu ili upotrebnu dozvolu (original ili ovjerena kopija). Ukoliko iz upotrebne dozvole nisu vidljive važeće karakteristike mehanizacije potrebno je dostaviti i zapisnik koji to dokazuje.

Uvidom u dostavljenu dokumentaciju grupe ponuđača "Ted invest" d.o.o. Sarajevo i "Borhtechnik" d.o.o. Brčko utvrđeno je da ponuđač ne ispunjava navedenu tačku tenderske dokumentacije iz razloga što nije dostavio dokaz o obezbijeđenosti opreme tražene naprijed navedenom tačkom i to za mašinu za iskop (bager) od 15-20t, uvidom u dostavljenu dokumentaciju utvrđeno je da je ponuđač na strani 88.ponude dostavio saobraćajnu dozvolu za bager rovokopač mase 14700kg, dalje tenderskom dokumentacijom je tražen dokaz o posjedovanju ili ugovor o iznajmljivanju vibro ploče mase od 250kg do 450kg, a na strani 96. ponude dostavljena je upotrebna dozvola sa zapisnikom za vibro ploču težine 220kg, te je Komisija konstatovala da je masa bagera i vibro ploče manja od tražene i da grupa ponuđača nije ispunila navedeni uslov.

Nadalje u (Aneks 2) Obrazac za ponudu stoji napomena da ukoliko ponudu dostavlja grupa ponuđača, upisuju se isti podaci za sve članove grupe ponuđača, kao i kada ponudu dostavlja samo jedan ponuđač a pored naziva ponuđača koji je predstavnik grupe ponuđača upisuje se i podatak da je to predstavnik grupe ponuđača. Ponuđač nije postupio shodno navedenoj napomeni odnosno nije upisao lidera grupe ponuđača.

Iz naprijed navedenih razloga utvrđeno je da grupa ponuđača "Ted invest" d.o.o. Sarajevo i "Borhtechnik" d.o.o. Brčko ne ispunjava uslove tražene u tenderskoj dokumentaciji iz tački 3.4.1. (1) i 3.4.1. (3) – tehnička i profesionalna sposobnost te je ponuda odbačena shodno odredbama člana 68. stav (4) tačka i) Zakona o javnim nabavkama.

Komisija je pristupila analizi i procjeni preostalih ponuda, te utvrdila da dostavljene ponude ispunjavaju formalno-pravne i kvalifikacione uslove tražene u tenderskoj dokumentaciji Komisija je izvršila računsku kontrolu ostalih ponuda te utvrdila da su dostavljene ponude računski ispravne.

Shodno naprijed navedenom Komisija je utvrdila preliminarnu rang listu ponuđača, a prije provođenja e-aukcije, i to kako slijedi: 1. „Manjo“ d.o.o. Sarajevo sa ponuđenom cijenom za ugovor u iznosu od 151.018,97 KM bez PDV-a, 2. „Bujice“ d.o.o. Konjic sa ponuđenom cijenom za ugovor u iznosu od 159.835,83 KM bez PDV-a, 3. „Mibral“ d.o.o. Sarajevo sa ponuđenom cijenom za ugovor u iznosu od 162.170,10 KM bez PDV-a.

Tenderskom dokumentacijom u tački 1.5.5. i 5.5. predviđeno je provođenje e-aukcije, te je u skladu sa Pravilnikom o uslovima i načinu korištenja e-aukcije („Službeni glasnik BiH“, br. 66/16) zakazano održavanje e-aukcije na Portalu javnih nabavki BiH za dan 10.01.2022. godine sa početkom u 09:00 sati. Nakon okončane e-aukcije za predmetnu nabavku, a na osnovu Izvještaja o toku i završetku e-aukcije broj postupka 422-1-3-212/21 od 10.01.2022.godine, Komisija je utvrdila da konačna rang lista ponuđača koji su učestvovali na e-aukciji izgleda kako slijedi:

1. „Bujice“ d.o.o. Konjic sa ponuđenom cijenom za ugovor u iznosu od 137.800,00 KM bez PDV-a,
2. „Mibral“ d.o.o. Sarajevo sa ponuđenom cijenom za ugovor u iznosu od 138.000,00 KM bez PDV-a,
3. „Manjo“ d.o.o. Sarajevo sa ponuđenom cijenom za ugovor u iznosu od 143.848,00 KM bez PDV-a,

U skladu sa članom 8. stav (3) Pravilnika o uslovima i načinu korištenja e-aukcije izvršeno je umanjeње za svaku poziciju tehničke specifikacije za procenat koji iznosi konačno procentualno umanjeње cijene postignute nakon e-aukcije, tako da ponuđena cijena za ugovor ponuđača „Bujice“ d.o.o. Konjic iznosi 137.800,00 KM bez PDV-a, odnosno 161.226,00 KM sa PDV-om, o čemu je ponuđač dostavio saglasnost broj 01-013/1-22 dana 14.01.2022. godine.

Shodno naprijed navedenom Komisija je donijela preporuku za zaključenje ugovora za predmetnu nabavku sa ponuđačem „Bujice“ d.o.o. Konjic.

Imajući u vidu da je Komisija u cijelosti pravilno provela postupak i da je izbor ponuđača izvršen u skladu sa Zakonom o javnim nabavkama, podzakonskim aktima i tenderskom dokumentacijom, to se prihvata preporuka Komisije za javnu nabavku radova, te je shodno odredbama člana 64. stav (1) tačka b) Zakona o javnim nabavkama odlučeno kao u dispozitivu.

Pouka o pravnom lijeku:

Protiv ove Odluke može se izjaviti žalba Uredu za razmatranje žalbi BiH putem ugovornog organa u roku od 10 (deset) dana od prijema Odluke. Žalba se podnosi u pisanoj formi u dovoljnom broju primjeraka u skladu sa članom 99. i 101. Zakona o javnim nabavkama.

DOSTAVITI:

1. Ponuđačima u postupku
2. Služba za zajedničke poslove
3. Komisija za javne nabavke radova
4. U spis

